

第七冊

時行痢疫病案
時行痘疫病案

全圖

名醫驗案類編

正編

上海大東書局印行

當代全國名醫驗案類編目錄

二集 八大傳染病案

第十一卷 時行痢疫病案

急性疫痢案.....陳務齋

急性疫痢案.....陳務齋

急性疫痢案.....王經邦

急性疫痢案.....何拯華

五色疫痢案.....何拯華

熱毒赤痢案.....張錫純

熱毒赤痢案.....莊虞卿

伏熱赤痢案.....周小農

暑毒赤痢案.....錢蘇齋

暑毒赤痢案.....丁佑之

伏暑赤痢案.....何拯華

赤痢轉虛案.....吳宗熙

疫痢末期案.....劉萬年

當代
全國名醫驗案類編

二集 八大傳染病案

第十一卷 時行痢疫病案

○急性疫痢案

陳務齋
住梧州四方井街

【病者】林衡年五十餘歲

【病名】急性疫痢（傳染病）西名赤痢

【原因】素因不攝衛生。過食辛燥。臟腑鬱熱。腸胃發炎。誘因天氣不佳。微菌飛揚。空氣不潔。由口鼻吸受。直接傳染。

【症候】驟然惡寒發熱。頭痛口渴。四肢煩疼。腹中絞痛。大便秘下。赤白痢。前急後重。日夜達數十次。繼則全體大熱不休。噤口粥飯不能下咽。食量全缺。

口渴連連飲水。不能制止。排、便、之、後、生、劇、烈、之、疼、痛、肛、門、灼、熱、下、痢、則、加、多、二、倍、日、夜、達、一、百、餘、次、排、泄、之、物、絕、無、糞、色、俱、是、赤、多、白、少、赤、者、係、稀、量、之、血、水、白、者、脂、膏、之、類、肌、肉、消、瘦、形、體、枯、黑、脣、焦、而、烈、齒、黑、而、枯、面、黑、目、赤、氣、逆、喘、急、熱、臭、非、常、晝、夜、不、眠、勢、甚、猛、烈、

【診斷】診左脈沈伏。右脈浮數。已極。體溫升騰。達一百零四度。舌苔黑燥。起刺。脈症合參。乃急性傳染病之赤痢症也。查閱前醫數方。或用驅風解表。喻氏倉廩湯加減。以助其炎燥。或用清潤之劑。仲景黃芩湯加味。而緩不濟急。遂致釀成危急不治之症。余見一息尙存。豈能坐視。不得不立方援救。

【療法】急用大承氣湯加味。取生軍、芒硝、桃仁、滑石、推蕩大腸而除鬱熱。爲君。石膏、粉葛、平陽明、熱燥生津解肌。爲臣。黃柏、山梔、銀花、生地、白芍、瀉心。肝伏火涼血敗毒。爲佐。厚樸、枳實、下氣寬中而除急重。爲使。一服後則

平平。無加無減。將方每味再加倍。連二服後。則痛渴痢略減。將方每味再加二倍。連三服後。則瀉稀量膠黃之糞數次。然後燥渴大減。急重已除。赤痢減少。日夜達數十次。食能下咽。略能睡眠。診脈左右弦數。又用清熱解毒厚腸湯。取生軍、石膏、山梔、粉葛、黃連、銀花、錦地羅、白芍、甘草、木香、地榆、歸身、生地、去臟腑鬱熱涼血敗毒。平肝潤燥理氣。厚腸連五服後。則燥渴更減。赤痢已除。惟瀉黃白膠。晝日夜尚有十餘次。食量略進。診脈緩滑而弱。又用參歸蓮子湯。取其補氣生津活血潤燥。運脾健胃。厚腸去濕。連數服後。則燥渴已平。而瀉痢更減。惟腹尚有微痛。診脈滑滯。又用急止痛瀉丸。取其運脾理氣平肝。厚腸降逆去濕利水導滯。

【處方】大承氣湯加減方

生大黃

六錢

川厚樸

三錢

元明粉

四錢

川枳實

四錢

生石膏

八錢
研細

生葛根

二錢

滑石粉

四錢
包煎

光桃仁

三錢

生白芍 八錢

川黃柏 三錢

金銀花 三錢

鮮生地 一兩

焦山梔 三錢

煎服後，將各味加倍，後再將各味加二倍。

【次方】清熱敗毒厚腸湯

生大黃 五錢

生石膏 八錢
研細

焦山梔 四錢

生葛根 二錢

川黃連 三錢

大歸身 錢半

生白芍 八錢

金銀花 三錢

錦地羅 三錢

廣木香 一錢

粉甘草 一錢

地榆炭 錢半

鮮生地 八錢

煎服。

【三方】參歸蓮子湯

西洋參 三錢

當歸身 二錢

生白芍 三錢

開蓮米 四錢

淮山藥 五錢

雲茯苓 四錢

阿膠珠 二錢

炒薏仁 六錢

雲查肉 三錢

南芡實 五錢

閩澤瀉 二錢

粉甘草 錢半

煎服。

【四方】急止痛瀉丸

川黃連 五錢

廣本香 三錢

延胡索 三錢

生白芍 四錢

茅蒼朮 一錢

雲茯苓 六錢

川鬱金 三錢

藿香梗 二錢

製香附 二錢

良薑片 一錢

川厚樸 二錢

粉甘草 一錢

罌粟殼 四錢

閩澤瀉 四錢

共爲細末，蜜丸，每重一錢，用好濃茶送服二丸。

【效果】十日燥平渴止。痢減急重除。食量略進。二十日痢止食進。元氣已復。

【說明】是年乙卯。噤口痢疾由此而起。死亡者不少。所起症狀無異。各人原因不同。而症有差異。施治不對症者。而症變亂複雜。多莫能救。是役余所治者。不下數百人。療法亦不外如是。隨症加減。亦無不愈。

廉按此疫痢中之胃腸炎。其症最急而重。故凡赤痢。赤白痢。五色痢。等起病之初。屬於實熱性質者。則由病原菌所釀成之病毒。充滿於腸內。宜先之以通利劑。掃盪腹內之鬱毒。而後以調理劑作後療法。乃爲至當之順。

序若不先掃盪病毒而惟下痢之是恐先防遏之則死於腹滿熱盛苦悶之下是卽由逆治致逆症者也此時之逆症與實症相一致今觀此案可知其因症方藥之所以然矣

○急性疫痢案

陳務齋

住梧州四
方井街

【病者】陳偉明女士年十二歲廣西容縣住鄉學界體壯

【病名】急性疫痢

【原因】素因飲食不節膩滯太過消化不良積蓄腸胃誘因往探姻戚適痢疾流行微菌飛揚空氣不潔防衛不慎傳染而來

【症候】驟然腹中絞痛大作大便屢次下痢前急後重日夜達百餘次排便之後生劇烈之疼痛肛門灼熱口渴連連飲水不能制止食物不能下咽排泄之便絕無糞色俱是赤多白少赤者稀量之血水白者乃脂肪膏油之類面色黑緊脣焦齒枯舌苔黃厚邊尖赤起刺晝夜不能安眠全

體大熱不休。瞬息不絕。勢甚急。逼危在旦夕。

【診斷】左右六脈浮弦數極。一吸已動七星（見真人脈法）脈症合參。傳染病中之赤痢症也。查閱前醫之方。多用耗散之藥。耗其津。劫其血。損其氣。則焦躁異常。肺胃氣逆。津液枯竭。渴飲不止。腸胃炎熱已極。則噤口不能食。至成危急不治之症。余於此症。略多經驗。不得不力圖救濟。

【療法】速用大承氣湯加桃仁、黃柏、銀花、粉葛、石膏、生地。取推蕩大腸急下。存津涼血敗毒。平胃清熱。服連三劑後。急重已除。赤痢略減。燥渴略平。食量略進。診脈浮數退去。轉爲滑弱。又用參歸蓮子湯。取其補氣生津。活血潤燥。運脾健胃。厚腸去濕。連服五劑後。食量更進。下痢更減。精神略好。元氣稍復。診脈微滑。又用急止痛瀉丸。取其運脾理氣。平肝厚腸。降逆去濕。利水導滯。

【處方】大承氣湯加減

生大黃 六錢

川厚樸 三錢

金銀花 三錢

芒硝 四錢

粉葛 四錢

光杏仁 三錢

川枳實 四錢

鮮生地 八錢

生石膏 八錢
研細

川黃柏 三錢

【次方】參歸蓮子湯

高麗參 錢半

當歸身 二錢

生白芍 三錢

開蓮子 四錢

淮山藥 五錢

雲茯苓 四錢

阿膠珠 二錢

炒薏苡 六錢

雲查肉 三錢

南芡實 五錢

閩澤瀉 二錢

粉甘草 一錢

煎服

【三方】急止痛瀉丸

川黃連 五錢

廣木香 三錢

延胡索 三錢

生白芍 四錢

茅蒼朮 四錢

雲茯苓 六錢

川鬱金 三錢

藿香梗 二錢

製香附 五錢

良薑片 二錢

川厚樸 三錢

罌粟殼 四錢

閩澤瀉 四錢

粉甘草 二錢

十四味、共爲細末、煉蜜爲丸、每重一錢、辰砂爲衣、每服一丸至二丸、用
好濃熱茶送下、

【效果】五日痢減、急重除、米量略進、十五日食量更進、燥渴已除、二十日痢止、
痛除、食量大進、元氣已復、後其家人老少患此症者、十之八九、余俱用
此方法、十愈八九、而鄰村傳染此症者、則十中死七八、絕鮮生活、可謂
慘矣。

廉按、吾國所謂疫痢、內經謂之奇恆痢、卽德日醫所謂赤痢也、爲八大傳
染病之一、據西醫研究所得、實地經驗、其病毒非菌則蟲、約有二種、一爲
菌毒赤痢、一爲變蟲形赤痢、大旨以清熱解毒、防腐生肌等法爲主治、兼
用血清注射、及灌腸法以佐之、此案遵內經通因通用之法、卽日本醫衍
德醫之法、謂赤痢初期、腸中毒熱腫疼、當務去腸內之刺戟、流通糞便、以
防病勢之上進、爲治赤痢療法第一義、故病有上進之象、當相機而投以

下劑。但下劑易增進患者之衰弱，不可不謹慎用之。至滋腸及注腸，不但足以疏通其積滯，且有緩解裏急後重之效。是以用之最宜。與陳案療法大致相同。然就余所經驗，傳染性赤痢，亦有不宜用硝黃蕩滌者。只可清血解毒，滑以去着。如犀角地黃湯，合五仁湯，加醋炒芫花，重用貫仲二兩，地漿水煎藥，亦多奏效。醫不執藥，隨宜而施，神而明之，存乎其人耳。

○急性疫痢案

王經邦

住天台
柵門樓

【病者】車昌前，年二十七歲，業商，住天台南鄉花桃莊。

【病名】急性疫痢。

【原因】暑穢水毒，互結腸胃，均從火化，醞釀成疫。

【症候】下痢純紅，腹痛裏急後重，晝夜百餘次，溺短赤，瀉。

【診斷】脈六部洪數，搏指按之有神，舌紅苔黃，脈症合參。此乃暑毒挾穢蘊蓄

於內，若不急治，防驟有腐腸之變端也。

【療法】以貫仲、銀花、玉樞丹、解毒痢爲君。芩連、柏、清熱爲臣。荷葉、生芍、消暑、飲血爲佐。玉泉、竹葉、涼解、大渴爲使也。

【處方】青子芩 三錢

川黃連 二錢

生川柏 錢半

生白芍 八錢

淡竹葉 三錢

鮮荷葉 一錢

玉泉散 二錢鮮荷葉包

玉樞丹 五粒研細藥湯調服

先用生貫仲 一兩 濟銀花 八錢 煎湯代水

【效果】一劑病減大半。再劑大勢已平。原方畧減用量。加鮮生地一兩。鮮石斛

五錢。清養胃陰而痊。

【竅按】此時疫赤痢也。俗稱爛腸瘟。前喻西昌治此症。重用生大黃四兩。黃連甘草各二兩。以猛藥直攻腸胃。此案但以平劑清解疫毒。方亦穩健。着力切合病情。貫仲、玉樞丹尤爲解毒辟穢之要藥。

○急性疫痢案

何拯華 紹興同善局

【病者】王傳榮。年念八歲。業農。住紹興東關鎮。

【病名】急性疫痢

【原因】仲秋久晴無雨。天氣燥熱。疫痢流行。感染時氣而陡發。

【症候】身熱口渴。臍腹大痛。如刺如割。裏急後重。下利頻併。或腸垢帶血。或純下鮮血。日夜數十度。或百餘次。面赤脣紅。吐酸嘔苦。胸腹如焚。按之灼手。小溲赤澀。點滴而痛。

【診斷】脈右洪數。左弦勁。舌紅刺。如楊梅狀。苔黃燥。如刺。此由血分熱毒與積滯相併。內攻腸胃。劫奪血液。下趨卽內經所謂腸澼。下血身熱者。死亦卽。吳又可所謂下痢膿血。更加發熱而渴。心腹痞滿。嘔而不食。此疫痢兼症。最爲危急是也。

【療法】若以痢勢太頻。妄用提澀。或但用涼斂。必至腸胃腐爛而斃。卽以查麴檳樸香連芩芍銀花炭等。普通治痢之法。以治此種毒痢。亦必胃腸液涸而亡。惟有仿吳氏急症急攻之法。用檳芍順氣湯加減。日夜連服二

三劑純服頭煎以先下其疫毒

【處方】花檳榔 二錢

赤白芍 各五錢

青子芩 三錢

小枳實 二錢

生甘草 一錢

元明粉 三錢

拌炒生錦紋 六錢

先用鮮貫仲 一兩 銀花 五錢 煎湯代水

【次診】次日復診。赤痢次數已減。其半腹痛亦漸輕減。嘔吐酸苦亦除。惟身仍熱。胸腹依然灼手。黃苔雖退。舌轉紫紅。起刺。捫之少津。脈左弦勁已減。轉爲沉數。此胃腸血液漸傷。而疫毒尙未肅清也。議以拔萃犀角地黃湯加玉樞丹涼血瀉火撲滅毒菌以救濟之。

【次方】犀角粉 一錢

鮮生地 四兩搗汁沖 青子芩 二錢

小川連 一錢

生錦紋 三錢酒洗

生西草 一錢 生白芍 一兩

玉樞丹 五粒研細藥湯調下

【三診】痢雖十減七八。而腹中切痛。常常後重。所便之物多如爛炙。且有腐敗之臭。深恐腸中腐爛病勢尙在險途。幸而脈勢稍柔。舌紫漸轉紅活。姑

以解毒生化湯加鮮生地金汁化腐生肌滋陰消毒以救腸中之潰爛

【三方】金銀花 一兩

生白芍 八錢

生西草 錢半

參三七 二錢

鮮生地

四兩搗汁沖

陳金汁

二兩沖

鴉膽子

去皮揀成實者四十九粒用龍眼肉一顆包七粒以七七之數爲劑

【四診】下痢次數僅五六次。赤色已淡。夾有膿毒黑垢。切痛後重已除。胃亦知饑思食。惟舌色淡紅而乾。乃陰液大虧之候。議以大劑增液救陰。以其來勢暴烈。一身津液隨之奔竭。待下痢止。然後生津養血。則枯槁一時難回。今脈勢既減。則火邪俱退。不治痢而痢自止。豈可泥滯潤之藥而不急用乎。用增液湯合參燕麥冬湯以善其後。

【四方】大生地 六錢

元參 四錢

提麥冬 三錢

西洋參 錢半

光暹燕 一錢

奎冰糖 三錢

【效果】連服四劑。下痢盡止。但遺些少白沫。胃已能進稀粥。後用四君子湯加麥冬石斛調理旬餘。方能消穀而痊。